

« իւրաքանչիւր առանձին զան մտանել ի կրօնս մեր. և մեր տեսանելով և փորձելով
 « զնոսա, յորժամ զտանեմք զնոսա ընդունակս կրօնի և պաշտօնի մերում, առնումք.
 « և զորս տեսանեմք անընդունակս՝ ոչ առնումք: Այսու կերպիւ առնուլ հրաման տայ
 « մեզ կրօնն մեր: Այլ ո՛չ հրաման տայ մեզ միանգամայն զբոլոր վանք մի ի կրօ-
 « նաւորաց ի կրօնս մեր մուծանել և ընդ իշխանութեամբ մերով առնուլ...» (Թուղթ
 Մխիթարայ առ Յակոբ Եպիսկոպոս, 1742 փետր. 9): Եր. Հիմնադիրս իբրեւ «պատ-
 շաճաւոր հասակ» կը դնէ կանոնաց համաձայն՝ իբր տարիք ընդունելութեան՝ «զերեք-
 տասան կամ զչորեքտասանամեայ մանկունս», ու կը նշանակէ յետոյ մի առ մի սոյն
 սահմանումին պատճառները:

Օրննորիւն, շնորհք և ողջոյն յատկապէս մատուցանելք պատուելի եղբոր մերում
 Պօղոսին: Պաշտպանեցի զնա Աստուած բարձրեալն:

Զկնի յոյժ փափաքման մերոյ տեսանելոյ զքեզ ի յամենայն բարւոյ և յառողջութեան
 շնորհօքն Աստուծոյ մերոյ, երկրորդ՝ ծանուցանեմք ձերում Վերապատուութեան, զի առա-
 քեցաք առ ձեզ յառաջմէ զերկուս ողջունագիրս, այսինքն է միով ամառ յառաջ քան զայս
 թուղթս. և ծանուցաք ձեզ վասն եղբոր ձերոյ Աւետիսին, թէ զալոց է առ ձեզ: Եւ մինչև
 ցայսօր զպատասխանի ինչ ոչ ընկալաք, ոչ ի ձէնջ, և ոչ ի նմանէ վասն խաղաղութեամբ
 հասանելոյ իւրոյ. և ի տարակուսութեան մնաց յոյժ միտք մեր վասն նորա, մանաւանդ
 յորժամ եկն առ մեզ նա մի ի վենետկոյ. և էր ի նմա Տէր Գաւիթ մըսըրցին: Եւ իբրև
 եկն նա աստ, հարցաք զնա վասն ձեր, այլ նա ոչ ծանօթացեալ զոլով ձեզ, ոչինչ պատ-
 մեաց մեզ վասն ձեր: Եւ լուաք վասն հայր Խաչատուր վարդապետին, թէ փոխեցեալ է
 առ ողորմութիւնն աստուծոյ բարձրելոյն, և այս մեզ կարի վիշտ եղև: Այլ տէրն մեր
 հաղորդս արասցէ զնա հարցն սրբոց, և դուք լիջիք բարիք փոխանորդք նորա: Քանզի
 իրաւի պակասեցաւ սիւնն և խարիսխն Հայոց: Տէր փոխանակ նորա տացէ մեզ զձեր
 առողջութիւնն և զերկար կեանս:

Գարձեալ ծանուցանեմք ձեզ վասն իրակութեանն հալէպու: Ամառ միով յառաջ քան
 զայս թուղթս՝ տէրն մեր Աբրահամ վարդապետն էջ ի լեռնէն ի հալապ. և ուղղափառքն
 առին զԱստուածածնի եկեղեցին ի ձեռաց հերձուածողաց, և է այժմ ի ձեռս նոցա յայտ-
 նապէս. և հռչակեցեալ է սուրբ հաւատն: Եւ զկնի վեց ամսոց ժամանակի յետ գնալոյ
 Աբրահամ վարդապետին ի հալապ, օրհնեաց նա առաջնորդ նոր ի վերայ անթէպու
 փոխանակ իւր: Իսկ եթէ հարցանիցէք վասն հաւատոյ, գոհանամք զբարութենէն յիսու-
 սի, է յայտնի. և յամենայնում աւուր երկոտասան պատարագք լինին յեկեղեցւոյ սրբոյ
 Աստուածածնին. և քարոզ յամենայնում կիրակէի, և տօնի: Բայց վասն իրակութեանց
 քաղաքին ծանիք, զի աւերեցեալ է ի զրկողութենէ խտտաբարոյ դատաւորաց. և բազումք
 մուրացիկ եղեն. բազումք ևս փախեան: Քանզի եղեալ է աստ նուազութիւն առեւտրոյ,
 և զրկումն և շփոթումն ի փաշայէն. վասն զի յոյժ բազում տուգանս ետուն ի վեր քան
 զոր միտք հաւատալ կարէ. և կարի թանգութիւն է իրաց: Աչ ունին զհանգիստ յիրի
 իմիք, եթէ ոչ յիրակութեան եկեղեցւոյն միայն. իսկ այլ մնացեալ իրքն՝ զրկումն մեծ:
 Տէրն մեր օգնական լիցի նոցա:

Գարձեալ ծանուցանեմք ձեզ վասն մօր քոյ և եղբարց քոց և քերց քոց: Ամենեքեան
 ողջ և առողջ են...: Խնդրեմք ի բարութենէ ձերմէ, զի ծանուցանիցէք մեզ վասն եղբոր
 ձերոյ, թէ արդեօք ճար եղև նմա մնալ առ ձեզ՝ թէ ոչ: Բայց զճշմարիտն ասեմ, կարի
 մեծ բարիս առնես նմա՝ եթէ ջանայցես վասն նորա՝ զի մնացէ առ ձեզ, և փրկեսցէ
 զանձն իւր: Քանզի ի ժամանակիս մերում յայսմիկ ի կողմանէ արևելից բարձաւ ի միջոյ
 բանս այս՝ Աստ կաց: Վասն այսորիկ ասեմ ձեզ՝ մի անխնամ թողուցուք զնա ի ձէնջ.
 և ջանացողութիւնն ձեր ունի զբաւականութիւն վասն այնորիկ:

1. Թորոսեան, Վարք Մխիթարայ (Կարեւոր բռնորդ եւ Կամակաւեր) էջ 470.